

1 Thaum ntawd, tas ntiaj teb sawv daws hais ib xeem lus xwb thiab siv ib cov lus xwb. 2 Thaum lawv tsiv sab toob fab los mus, lawv los txog ib lub tiaj nyob hauv teb chaws Sis Nes As, ces lawv los nyob ntawd. 3 Lawv sib hu tias: "Tuaj peb puab thwv cib, peb muab ci hauv hluav taws!" Ces lawv siv cov thwv cib ntawd los ua pob zeb txhim tsev thiab siv roj hmab dub los leem. 4 Lawv hais tias: "Tuaj peb txhim ib lub nroog rau peb thiab ib tug pej thum kom lub ntsis siab siab mus txog saum ntuj, ces peb lub npe yuav nrov thiab peb thiaj li tsis sib tawg mus nyob thooob ntiaj teb." 5 HUAB TAIS nqes los xyuas lub nroog thiab tus pej thum uas neeg tau tsa sawv. 6 Ces HUAB TAIS hais tias: "Ntsia saib, lawv yog ib haiv neeg thiab hais ib xeem lus xwb, ces lawv muaj peev xwm kawg, qhov no tsuas yog qhov lawv nyuam qhuav pib ua xwb, txij no mus yog lawv xav ua dab tsi thaum twg ces yuav tsis muaj ib yam uas lawv yuav ua tsis tau lawm. 7 Mus, peb sim nqes mus xyuas saib. Peb yuav ua kom lawv hais lus tsis sib to taub, ces lawv yuav tsis sib haum ntxiv lawm." 8 HUAB TAIS ua kom lawv sib tawg mus nyob thooob ntiaj teb ces lawv tso tseg tsis txhim lub nroog ntxiv. 9 Vim li ntawd thiaj hu ua pej thum Npas Npes, vim yog nyob ntawd, HUAB TAIS ua kom ntiaj teb neeg hais lus tsis sib to taub, thiab yog nyob ntawd, HUAB TAIS ua kom neeg tawg mus nyob thooob ntiaj teb.

-Hauv Paus 11:1-9

Kuv pom tau hais tias zaj dab neeg no to taub nyuaj. Tej zaum koj los xav ib yam li kuv thiab. Nws kuj zoo thiab: neeg sawv daws yuav xav sib xws, es sib koom siab thooob plaws ntau haiv neeg, sawv daws los ua tau tej yam tiav. Tas sis Tswv Ntuj nkag los zoo li ib tug me nyuam npau taws uas los ntaus cov khoom ua si poob tag, ncuav qhov txhia chaw thiab ua rau cov neeg txhim lub nroog tsis to taub, kom txhua yam tsis txhob tawm tsam Tswv Ntuj txoj kev zoo. Tsi tsim nyog Tswv Ntuj ua li ntawv, thiab nws tsis zoo li tus Tswv Ntuj peb xav txog. Cov txhim lub nroog ua yuam kev li cas? Thiab yog vim li cas Tswv Ntuj thiab li rau txim rau lawv?

Txhua zaj nyeem, uas peb ua zoo nyeem nws yuav qhib tej yam zoo nkauj thiab muaj hwj chim uas peb yuav tsis pom yoob yim, thiab kuv to taub vim kuv nyeem tus Xib Hwb Ari Lamm cov ntawv ua nws sau. Vim tias thaum pib, nws qhia tas ntiaj teb hais ib xeem lub xwb, tab sis cov nqe lub txuas ntxiv hais cov lub txawv lawm. Nom Hes cov xeeb ntxwv tau mus nyob puv teb chaws, ib leeg hais ib hom lus. Ces nws yog li cas lawm? Zaj dab neeg cia li hloov pauv lawm.

Cov lus nyob rau hauv Hes Nplaws hais txog cov txhim pob zeb zoo ib yam li cov lus hais txog cov His Xas Lais txoj kev ua qhev nyob rau Hais Kws Tos teb, ua lawv tau raug yuam ua qhev txhim pob zeb ua teb chaws tiv thaiv Tswv Ntuj txoj kev ywj pheej. Tus sau phau ntawv Hauv Paus xav kom peb nco txog lub sib hawm cov His Xas Lais nyob rau Hais Kws Tos Teb.

Qhov tseem ceeb ntawv zaj dab neeg no yog Tswv Ntuj lub hom phiaj ua kom muaj ntau haiv neeg. Fas Las Oo yuam qhov cuav rau lawv koj los tsim kho: Tswv Ntuj cia kev tsim kho rau cov haiv neeg mus tsim raws li lawv siab nyiam.



Episcopal Church in Minnesota

Thiab thaum pib Tswv Ntuj tsim neeg, Tswv Ntuj tsis tau tsim kom lawv yog ib cov txhim pob zeb, tab sis tsim lawv los yog neeg ua liaj ua teb, thiab muab lawm tso rau hauv lub vaj Eden los mus nthua nroj, cog qoob loo, thiab tu lub vaj. Peb tsis tas yuav tsim ib lub npe rau peb, peb yeej muaj ib lub npe lawm, peb yog tus Tswv Ntuj nyiam.

Peb cov txhaum nyob rau Npas Npes yog vim peb muab peb txoj haum lwm ua teb hloov mus nyiam txhim pob zeb. Tswv Ntuj tsis yog tuaj mus cheem peb, tab sis nws tuaj cawm peb, thiab koj peb rov qab los mus ua peb daim teb.

II

Ob lub lim piam tas los no, lub 10 hli tim 11, yog hnuv kuv tau txais lub cim tiag tes ua Txiv Plig tau 20 xyoo. Kuv nyuas qhuav ras txog thaum kuv los zaum sau kuv cov lus rau lub lim piam no thiaj mam paub tias nws yog lub koob tsheej nco txog tus Xib Hwb St. Philip.

Kuv mam nras txog zoo li leej twg tau tsa nrig ntau kuv plab. Vim rau qhov cov hnuv tseem ceeb rau peb, peb muaj pub rau cov neeg peb hlub, rau cov peb nrog nyob thiab ua hauj lwm ua ke, tab si lub sib hawm ntawv luv heev rau peb. Vim rau qhov lub koom txoos kev ntseeg yeej tau muaj kev sib tham los ntev heev lawm, ua ntej kuv los ua Txiv Plig lawm. Peb nyuaj siab rau peb cov koom txoos uas peb plam los yog peb muab kaw lawm, thiab peb nyuaj siab tias peb yuav ua li cas, los yog peb yuav nrhiav neeg tuaj qhia peb ib lub tswv yim tshiab, los yog nrhiav teb yam los ua kom peb txhob nco txog tej yam peb ua yuam kev. Peb yuav ua li cas peb thiab nrhiav tau neeg ntxiv los nkag peb lub koom txoos? Peb yuav ua li cas rau peb lub tuaj tsev teev ntuj? Peb siv sij hawm ntau heev los txhim peb lub tuaj tsev teev ntuj, thiab kuv yog ib tug ntawm cov neeg ntawv thiab. Kuv tseem yog ib tug koj ntawm cov pab pawg ua cov hauj lwm no thiab. Cov hauj lwm no mus tsis tau ntxiv lawm. Ces kuv thiab tau zaum xa hmo ntawv, kuv txaj muag tias peb txoj kev nyuaj siab ua rau kuv nkim lub sij hawm ua muaj nuj nqi ua kuv tshuav me me lawm xwb.

III

Yog hais tias nws muaj ib lub tswv yim tiag, ces peb yeej nrhiav tau lawm. Tus pej thuum ua peb txhim nws twb raug nrhuav los ntawm peb kab li kev cai, kev khws nyiaj txhiag, thiab keeb kwm ua rau peb leej twg ua tsis tau dab tsi li. Nws ua rau peb qaug zog. Txawm peb siv zog npaum li cas los peb yeej yuav nkees, vim peb ntseeg txoj kev dag tias peb yuav ua tau ib lub koom npe rau peb yog tias peb txhim cov pob zeb ntxiv.

Kuv txoj kev cia siab tias, peb lub koom txoos kev ntseeg, thiab lub roob sau siab no yuav ua ib lub cim ua hloov peb lub hom phiaj/lub tsiab. Tsis yog vim tias peb tshawb nrhiav tau ib lub tswv yim los txhim kho peb tus pej thuum, yog vim peb tau txiav txim siab tso peb lub siab txhim kho, thiab hloov los mloog peb lub siab ua teb cog qoob loo.

Nyob ntawm qhov kuv sawm no ua nej tus Tswv Qhib, kuv pom peb txog kev. Peb puas yuav ua txhua yam peb nias hnuv ua li peb tau ua ntau xyoo los. Thiab peb puas yuav nrhiav kev tawm tsam txhua yam los yog txhua tus ua tsi haum peb siab li tus Txiv



Episcopal Church in Minnesota

Plig/Niam Plig, los yog cov thawj coj, los yog Tswv Qhia, los yog nws cov tub/ntxhais ua dej num, los yog lwm tus peb yuav liam rau lawv ua dej num tsis zoo rau peb. Peb nyob li no xwb los, es ua si ib hnuv dhau ib hnuv, thiab ua dab tsis los tsi tiav li.

Los yog peb cia li nkaum zog thiab tsis ua dab tsi li. Peb tsa chij dawb thiab khiav ntawm peb tej teeb meem. Leej twg thiab li yuav liam tau rau peb?

Los yog peb tsis txhob tas kev cia siab, tab sis peb nyob no tiv, tab sis peb tso yam tsis zoo pov tseg. Tsis yog kom tsa chij dawb, tab sis tso cov pob zeb nyhav hauv peb txhais tes pov tseg, es los ua si nrog cov av me ntsis, es tos seb Tswv Ntuj yuav tsim dua yam tshiab hauv peb cov koom txoos kev ntseeg tuaj..

Qhov no puas yuav yog ib txoj kev ua kom peb tsis txhob txhawb txog txhim peb lub tsev xwb, thiab thig rov qab los cog Tswv Ntuj cov qoob loo rau Tswv Ntuj haiv neeg nyob ntiaj teb?

IV

Yog hais tias peb mus ua teb cog qoob loo? Nws yuav zoo li cas? Nws muaj peb yam kuv xav caw peb los xav ua ke.

1) Qhov ib, yog hais tias peb ua teb peb yuav muaj sij hawm los nthua lub hauv paus? Tsis muaj ib yam dab tsi uas yuav tuaj tau siab los yog dav, los yog txi txiv lis, txog rau thaum lub hauv paus tau cog tob. Ob xyoos dhau los no peb tau txheeb xyuas pom plaub yam tseem ceeb rau peb lub koom txoos kev ntseeg: kev ua ib tug thwj tim raws Yes Xus, kev coj/nrhiav ncaj ncees, kawm yam tshiab txhawb kev ntseeg, thiab kev pab kom koom txoos loj hlob. Ua ib tug thwj tim raws Yes Xus yog qhov tseem ceeb. Nws yog yam Tswv Ntuj yuav siv los cog cov cag tob/khov ua yuav txi cov txiv ncaj ncees, cov txiv tshiab thiab cov txiv loj. Hnuv no kuv xav caw nej sawv daws kom lub xyoos tom ntej no nej xyaum los ua ib tug thwj tim raws Yes Xus, ua yog tias nej koom siab muaj Tswv Ntuj nyob hauv nej, thiab pab lwm tus, thiab caw txhua tus ua nej ntsib, los kawm paub txog Yes Xus nyob rau hauv nej kev thov ntuj txhua hnuv, nyeem ntawv moo zoo, thiab pab cov txoj nyem ua luag saib tsis tau. Kuv xa kom nej caw cov nyob hauv nej lub koom txoos los koom ua ib pab pawg los cog lus coj txoj kev raws li Yes Xus. Lub Episcopal Church muaj kev pab qhia hu ua “Centered” uas yuav pab tau rau cov pab pawg sib ntsib thiab sib txhawb lub sib hawm ua peb cia Tswv Ntuj los tsim kho peb thaum peb tseem tab tom nthua peb lub hauv paus. Kuv vam thiab cia siab tias txhua tus ntseeg Episcopalian nyob hauv xeev Minnesota no yuav koom ib pab pawg sib ntsib xyoos no. Centered yog is yam yooj yim, thiab siv yooj yim heev, yog koj muaj peb los plaub los tsib tug neeg koj yeej nkag mus koom tau ua ib pab pawg lawm.

Peb puas yuav koom tau los tsim tej pab pawg me los cog peb cov hauv paus kom tob ua ke?

2) Yog hais tias peb rov kawm ua ke dua, qhov peb txawj xav thiab txhob txwm cia rau Tswv Ntuj cov peb? Cov ua teb lawm yeej yuam tsis tau qoob loo kom tuaj. Cov ua teb



Episcopal Church in Minnesota

lawm tsuas nthua thiab ywg dej kom cov qoob loo txhob tuag thiab muaj sia xwb. Yog Tswv Ntuj, thiab lub Ntuj, pab ntxiv kom cov qoob loo loj hlob tau.

Kuv ua yog nej tus Tswv Qhia, kuv sawv ntawm no tsis txaj muag los yog ntshai hais tias kuv tsis paub yuav cawm los yog kho lub koom txoos kev ntseeg. Thiab nej los tib yam nej yeej cawm los kho tsis tau. Tab si xov xwm zoo kev cawm thiab kev kho lub koom txoos tsis yog kuv hauj lwm, thiab nws tsis yog nej hauj lwm. Lub koom txoos yog Tswv Ntuj lub luag hauj lwm. Peb txoj hauj lwm yog mus sawm nyob hauv daim teb thiab cia Tswv Ntuj yug qoob loo txi cov txiv muaj kev sib hlob, muaj kev cia sia, muaj kev sib kho, muaj kev sib zam, muaj kev tiaj tus, muaj kev kaj siab. Peb yuav nqa cov cuab yeej twg mus ua teb los tau, thiab peb yuav tu cov cuab yeej ntawv kom zoo tshaj ua ke, tab si txawm thaum twg los yog qhov twg cov txiv yuav txi thiab yuav siav nws tsis yog yam koj thiab kuv yuav tswj tau, es cia peb tsis txhob tab kaum los mus txhim ntau lub pob zeb. Yog hais tias Tswv Ntuj yog tus peb thiab ntawv moo zoo tau hais muaj tseeb, ces Tswv Ntuj yuav yog tus yuav los kho lub ntiaj tes nrog kev hlob txawm tias lub koom txoos npaj tau los tsis tau, thiab los yog lub koom txoos me los loj, muaj los yog pluag.

Peb puas yuav tso tau txoj kev xav tias nws yog peb lub luag hauj lwm ua kom cov txiv txi, los yog cia peb kawm kom paub, thiab raws Tswv Ntuj, tus yuav coj ke?

3) Peb puas yuav pab tau rau Tswv Ntuj yug qoob loo txhawv txhua yam nyob ib ncig?

Ntau haiv neeg yog Tswv Ntuj lub hom phiaj. Txoj kev yuav coj sib xw yog yam uas peb thiab lub ntiaj teb yog tsim los ntawm Tswv Ntuj tus duab. Zoo li txhua yam peb cov lus, lub teb chaws, hom neeg, pawg neeg, thiab kev cai dab qhuas yog Tswv Ntuj tsim. Tau ib puas xyoos dhau los, peb yeej muaj tus duab xav kom peb lub koom txoos kev ntseeg zoo li cas. Nej muaj ib lub tuam tsev teev hawm, nej muaj ib tug txiv plig, cov ntseeg tuaj rau hauv lub tuav tsev tuaj teev ntuj hnuv chiv thiab txais cim yug, thiab nej muaj kev pab cuam rau cov ntseeg txhawb lawv seb lawv puas nyiam los tsis nyiam. No yog ib tug qaus uas yeej pab thiab muaj sia, thiab nws yeej tsis mus qhov twg li, tab si nws tsuas ua rau neeg tuaj koom nej cov kev pab xwb, nws tsis pab rau cov ntseeg kom tuaj koom zoo li lawm muaj Yes Xus nyob rau hauv lawm lub neej thiab ntiaj teb. Peb kuj cia li txais yuav tias qhov loj yuav zoo dua qhov me. Tab si cov koom txoos me yog qhov chaws peb thiab li yuav sib pab sib txhawb tau ua ke. Cov koom txoos me yog qhov chaws peb sawv daws thiab li yuav sib pab txhawb kev kawm txog Yes Xus. Txoj kev xav kom txhua lub koom txoos raws ti tus qauv hais saum no, thiab kom koom txoos loj hlob, mas yog Fas Las Oo yuam kom sawv daws txhim ntau lub pob zeb thiab txhim Npas Npes.

Kom ib thaj teb los yog hav zoov muaj sia loj hlob, nws yuav tsum muaj ntau yam nyob rau hauv. Yuav tsum muaj ntau yam zaub, paj, xyoob ntoo thiab ntau hom tsiaj, nyias zoo nkauj txawj nyias, tag nrho cov no yuav tsum muaj tshwm sim es txhua yam thiab li yuav ciaj tau. Nws yeej muaj tseeb ib yam li rau cov koom txoos, zoo li cov xyoob ntoo nyob qaum teb. Kuv ntseeg tias Tswv Ntuj yeej caw peb lub sib hawm no kom los pab tsim kho/nrhiav kev tshiab thaum peb lub koom txoos tuaj sib sau ua ke thiab qhia txog peb rau sawv daws paub.

Peb xav hais tias yav tom ntej lub koom txoos loj yuav muaj cov koom txoos ntseeg tsawg zog. Ces peb thiab li xav hais tias peb cov hauj lwm yuav tsawg zog thiab. Tab si yog hais tias nws tsis yog li ntawv ne? Yog hais tias tom ntej no peb cov koom txoos muaj ntau tshaj, tab si yog lawm me xwb? Tej zaum Tswv Ntuj yaum peb los sib sau ua ke ntawm tsib mus rau kaum leej neeg uas si ntsib nyob hauv tsev, los yog nraum zoov, thiab peb thov ntuj thaum peb mus nuv ntses los yog taug kev ua ke, los yog tom qab me nyuam ncaws npas tas? Los yog peb sib sau ua ib pab los pab mloog thiab ua mov pub rau peb cov txheeb ze noj, los yog ntau haiv neeg tuaj sib tham ua ke? Los yog nees kaum leej tuaj sib koom nrog ib lub koom txoos kev ntseeg ua thaj txi ntuj thiab sib tham txog tej kev zoo ua Tswv ntuj tau ua rau lawv? Yog hais tias peb ua raws cov tswv yim ua phau ntawv moo zoo qhia kev hlub rau lub ntiaj teb ua tshawb txoj kev hlub, peb yuav tsum tuav, thiab saib tias Tswv Ntuj yuav cog dab tsi?

Ob peb lub hli tom ntej no, Canon Blair Pogue yuav hu peb ib cov tuaj sib koom ua ke thiab los sib pab sib txhawb. Peb yuav los saib txog Tswv Ntuj lub hom phiaj rau peb lub koom txoos loj thiab hloov pauv yam me hauv, thiab koom nrog Tswv Ntuj nyob rau hauv lub ntiaj teb?

Kuv tsis paub hais tias txhua yam puas yuav ua hauj lwm, los yog yuav muaj dab tsi tshwm si, tab si peb yeej yuav ua tau xwb! Nws yeej yog ib txoj kev xaiv tseeb.

Nthua peb lub hauv paus zoo li ib cov thwj tim, yuav pab peb kawm tau tias cia rau Tswv ntuj koj peb, thiab koom nrog Tswv ntuj tu qoob loo txhua yam nyob ib ncig peb. Peb yeej tswj tsis tau yam yuav tshwm si, tab si peb nthua tau cov av, peb ywg tau dej, nrho nroj, thiab saib Tswv Ntuj yuav ua li cas ntxiv.

V

Tswv Ntuj yeej tsis tau tso tseg lub koom txoos kev ntseeg, thiab kuv paub kuv kev txhaum zoo tias Tswv Ntuj yeej tsis tso kuv tseg. Thiab yog hais tias nej tsis ntseeg kuv, cia kuv caws nej mus koom nrog kuv thaum kuv mus saib Emmanuel nyob rau Alexandria, thiab mus pom lawv txoj kev ua teb zaum tau plaub caug xyoos los mus yug ib lub nroog. Caw koj tuaj mus koom plaub tiam neeg ua zoo siab thaj duab nrog Big Ole. Caw koj tuaj mus sawm ntawm kuv ib sab nyob rau ntawm Holy Trinity daim paib nyob rau International Falls thiab saib cov duab thiab xov xwm hais txog lawv lub koom txoos ua thuav tawm Tswv Ntuj txoj kev hlub. Caw koj tuaj mus zaum nrog peb nyob rau Chatfield, thiab mloog cov txheeb ze peb tuaj sib tham. Thiab peb mus tom ntej taug tus Root River mus rau Rushford, thiab yog hais tias koj tseem tsis tau ntseeg txog Tswv Ntuj, caw koj tuaj mus raws Txiv Plig Neptali nyob rau ib hnuv chiv ua nws ua kev zoo siab rau ib tug ntxhais tas mus rau lwm tus ntxhais, ces mus rau tim tsev kho mob, tas rau hnuv vas xov. Ces hnuv chiv sawv ntxov nws teev ntuj rau peb tiam neeg ua paub tias Tswv Ntuj yeej muaj tseeb thiab muaj siab thiab zoo. Caw koj tuaj mus koom pawg ntseeg nyob rau Holy Trinity nyob St. Paul ib hnuv chiv yav sawv ntxov vim tiam lawm zoo li ib daim pam vov koj so so muaj kev hlub nyob rau ib hnuv uas no no. Caw koj tuaj zaum ntawm tog tsev ntawm Calvary es tsia mus saib cov neeg tuaj mus kho mob, lawv sawv daws puas leej tuaj kho mob zoo li cov neeg thaum lawm hnov txog Yes Xus es lawv txiv los kos Yes Xus twb tsho.



Episcopal Church in Minnesota

Yog hais tias nej yuav tham txog yam Tswv Qhia muaj cai tau pom ces yog cov no. Kuv yeej tau pom tag nrho, txhua lub sij hawm. Kuv xav koj nej tau nrog kuv pom thiab.

Minnesota, yog lub sij hawm ua nej yuav tau txiav txim siab lawm. Nej puas tseem yuav txhim pob zeb ntxiv, los yog qab hlaus mus ua teb? Kuv yuav ua kom zoo tshaj ua teb Tswv Ntuj los lub caw kuv los tso cov pob zeb tseg thiab rov los kawm ua teb dua. Kuv vam thiab cia siab tias nej yuav koom nrog kuv, thiab txais cov lub caw nej los koom kuv. Lub ntiaj teb yeej qhuav tau, qhuav nrog kev txom nyem, qhuav nrog kev tsis ncaj ncees, thiab kev tu siab. Thiab Tswv Ntuj yeej xav hloov lub ntiaj teb, nrog rau peb cov koom txoos kev ntseeg, tsis yog kom txhim tau tus pej thum kom zoo nkauj, tab sis kom txi txiv muaj siab, nrog kev hlub, nrog kev ncaj ncees, thiab kev zoo siab. Peb yeej tsis paus tias yuav muaj dab tsi tshwm sim. Peb yeej tsis paus tias tom ntej no yuav zoo li cas. Tab si cia lub sij hawm ua peb muaj no los khawb Tswv Ntuj cov av, los mus pab lub ntiaj teb kom pom yam ua Tswv Ntuj tib leej thiab yuav ua tau rau lub ntiaj teb no zoo nkauj.

Xa tawm rau sawv daws hnuv 28 lub 10 hli, nrog kev cia siab rau Tswv Ntuj txoj kev hlub, nyob rau hauv lub zos Rochester, nyob nruab nrab ntawm lub ntiaj teb kev hlub, nej tus phooj ywj zoo.

A handwritten signature in blue ink, appearing to read "Craig W. Loya".

The Right Rev. Craig W. Loya
Tenth Bishop of Minnesota